

IV. IV. So werden auch die Stunden / wann sich vnter den Planeten eine Conjunction oder Zusammenfügung / Item ein Sextil / Quadrat / Triangel vnd Gegenschein begibt / gemeldet.

V. V. Auch werden durch das ganze Jahr durch vnd durch / wann vnd zu welcher zeit die zwölff himlische Zeichen vnd Six Sternen / von dem Horizont auff vnd absteigen / durch die Stunden vermeldet vnd angezeigt. Wie dann auch zu

VI. dem VI. die mansiones der himlischen Zeichen / in welchem Grad der Mon in solchen ist / durch die Stunden angezeigt werden / vnd was man inn solchem thun oder vnterlassen soll / etc.

Auch weiß nach der Uhrstund vñ Glockestreich der erfahrene Medicus vnd Arzt / dem Patientē vnd Kranckē die Pharmaca zu propiniren, das ist / Tränck / Pillulen vnd Arzneyen zu seiner Gesundheit dienstlichen zu rāychen vnd einzugeben / insonderheit aber in morbis acutis, das ist inn solchen gefährlichen Kranckheiten vnd Zufällen / welche mit dem Menschen bald / vnversehens vnd geschwindt den Garauß machen / des Voll- vnd Newmonden / vnd dann der beyden Quart oder Vierteln des Mons / sehr nutzlichen vnd heilsamlichen sich zugebrauchen.

Wie dann auch ebenmässig der Chirurgus, Wundarzt vnd Balbierer / nach der Stunde oder schlagendem Ohrwerck / die Schäden am menschlichen Leibe mit seiner Hand vnd Instrument / weißlich vnd geschicklich weiß anzugreifen / vnd auß langer gewisser Erfahrung die Adern an desselben Leib zu schlagen oder zu öffnen. Vnd was des dings mehr ist / deme ich weiter nachzudencken / für dismal an denen raum vnd gelegenheit hinterlasse.

Nutz